



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1494 usque ad annum 1507

**Fleury, Claude**

**August. Vind. [u.a.], 1769**

**VD18 90118448**

§. 3. Carolus VIII. Ambasiæ mortuus.

---

[urn:nbn:de:hbz:466:1-67025](https://nbn-resolving.org/urn:nbn:de:hbz:466:1-67025)

## §. III.

Sæcul. XV.  
A.C. 1498.

*Carolus VIII. Ambasiæ mortuus.*

Jam longiori tempore Rex Ambasiæ in  
arce sua diversabatur, die vero septima  
Aprilis hujus Anni pridie ante Domi-  
nicam Palmarum Reginam manu duce-  
bat, ut cum illa adolescentes in subjecto  
arcis atrio pila ludentes conspiceret, cum-  
que porticum satis sordidam ac ruinæ  
proximam cum conjuge ingrederetur, ad  
januam, utpote quæ valde depressa e-  
rat, toto impetu caput allisit, ad pilæ  
tamen lusum festinavit, quo necdum in-  
cæpto aliquamdiu substitit, non nisi de  
rebus sacris colloquia miscens. Verum  
ad secundam mediæ diei horam per ean-  
dem porticum transiens derepente apo-  
plexia tactus in terram resupinus cor-  
ruit, ubi mox stramineæ culcitrae satis  
laceræ, ut testatur Comminæus, forte  
in porticu obviæ imponitur, ibique con-  
tinuas novem horas permansit, nimirum  
usque ad undecimam noctis horam, qua  
animam exhalavit; tanta autem erat a-  
poplexiæ violentia, ut nullo medicamine  
Rex vires revocare potuerit, nihilomi-  
nus jam tertio fugientem revocans ani-  
mam, non alia proferebat verba, quam  
quibus Dei opem ac Sanctorum suffra-  
gia,

*Comm. l. 8.  
c. 18.*

*Gaguin. l. 12*

*Addit. ad*

*Monstr. post*

*vol. 3.*

*Bellef. hist.*

*Car. VIII.*

*119.*

*119.*

Sæcul. XV  
A. C. 1498.

gia, quos impensius colebat, implorare solitus erat: Tandem vero tertia vice quelam recuperans, placide exspiravit, Anno ætatis suæ vigesimo octavo, minus tribus mensibus, Regni vero decimo quinto.

## §. IV.

*Varia opinio de causa mortis suæ.*

Bellef. hist.  
Car. VIII.

Ceterum effusa in populum fama variam mortis causam divulgabat, pro veteri vulgi more, quo post insolita ac subitanea Principum fata singuli de genere obitus inter se mussitant. Refert Belleforestus, Regem ex venenato mallicitrei odore periisse; verum id compluribus Historicis veritatis specie destitutum videtur. Medicorum sententia eo abijt, absumptum fuisse apoplexia per noxiam pituitæ distillationem provocata, cui tamen malo per crebras alvi purgationes obviari potuisset: nil certius autem hæc super re statui valet, quam quod nulla salutis cura, nullove artis medicæ auxilio Regis vita ad longius curriculum protrahi potuisset; primævo enim naturæ vitio debilissima corporis affectione laborabat, quam insuper singulis diebus flagitiosa, ac perdita libidine magis extenua-